

農
候
雜
占

農 候 雜 占

梁 章 鉅 撰

中 華 書 局

農 候 雜 占

梁 章 鉅 撰

*

中 華 書 局 出 版

(北京東總布胡同57號)

北京市書刊出版業營業許可證出字第17號

中華書局上海印刷廠印刷 新華書店總經售

*

787×1092 耗1/32·4 印張·69,000字

1956年10月第1版

1956年10月上海第1次印刷

印數：1—1,100 定價：(9)0.48元

統一書號：16018.14 56.9.瀟型

跋

先資政公著書最富。行世者已不下六十種。其待刻者尙多。恭篋仕浙省需次多暇。蒐羅遺稿。纂輯成編。思欲畢先人之志。舉付梓人。而寇擾以來。已刻板片半歸劫灰。心滋痛焉。又以多年浮沈。羈宦枵如之橐。何以勝茲。因循者久之。比提調書局。棗梨丹墨。日所講求。勉竭心力。先以農候雜占四卷付刊。此書於古今占驗之說。凡有涉農候者。無不采錄。而東南蠶桑利甲天下。亦附後焉。問雨課晴。率時興作。其亦幽風流火授衣之意乎。先以此稿本就正同年俞蔭甫學使。輒謂有用之書。寵之以序。勸付手民。以公同好。因勉副其意爲之。非惟繼先志。亦以重民事也。遺編具在他日。次第舉行。此書其嚆矢矣。同治癸酉秋七月中澣梁恭辰敬識於知足知不足齋。

農候雜占終

卷之三

據清同治福州梁氏藏版校刊

序

漢藝文志有泰壹襍子候歲二十二卷。子續襍子候歲二十六卷。隋經籍志有東方朔歲占一卷。此皆唐以前古籍。今雖亡佚。然可見雨暘寒燠。關乎農事。推測占驗。著有成書。自昔然矣。長樂梁茵林先生八閩碩彥。敏歷封疆。政績彪炳。弱冠卽嗜筆墨。五十餘年。手不釋卷。蓋仕學兼優者矣。撰述之富。我朝居一。其已刻各種風行海內。已不下六十餘種。而嗣君敬叔觀察。以名孝廉筮仕之江。三十年來。一官需次。藉得清閒。從事鉛槧。近復蒐輯其未刻之書。手自編纂。次第刊布。農候雜占其一也。是書自正月至十二月。自天文地理人事時令至草木蟲魚。凡有涉占驗者。旁徵博引。備列無遺。分別部居。有條不紊。視隋志所收田家歷十二卷。或加詳矣。昔齊有一足之鳥。孔子以童謠占之曰。天將大雨。商羊起舞。於是諸國水溢。齊獨有備。無患。劉子政載其事於說苑。而曰。聖人非獨守道而已。睹物紀卽得其應矣。夫欲睹物而得其應。非求之占驗不可。然則先生此書。其有裨於旱澇之備。而足以爲聖天子敬授民時之助者。豈小也哉。樾幸與觀察爲同年生。託於年家子之末。得與校讎之役。既畢。書數語於其簡端。異日買田數畝。歸老於烏巾山之陽。攜此書與村夫子共讀之。課晴雨。話桑麻。不至爲老農老圃所笑。則先生之惠我多矣。

同治十有二年正月穀日年家子俞樾謹序

農候雜占

目錄

俞序

卷一

正月占

二月占

三月占

四月占

五月占

六月占

七月占

八月占

九月占

十月占

十一月占

十二月占

卷二

閏占

夜占

氣占

寒熱占

水占

火占

一

七

二

七

二

四

七

三

五

五

九

六

九

三

五

元

三

七

卷二

山占	完	海占	四
潮占	四	石占	四
井占	望	冰占	四
天占	四	地占	四
人占	三		
晴雨占	五	陰占	三
日占	四	月占	六
星占	七	斗占	七
河漢占	七	風占	七
雲占	五	霧占	七
霞占	六	虹霓占	九
雷占	八	電占	八
霜占	八	露占	八
雪占	八	霰占	七

卷四

電占 八八

穀蔬占 九二

花木占 九四

走獸占 一〇一

龍占 一〇三

雜蟲占 一〇六

蠶桑宜忌 一二三

梁跋

草占 九七

飛禽占 九七

魚占 一〇一

介占 一〇五

田家宜忌 一〇九

農候雜占

清 梁章鉅撰

卷一

正月占

元旦值甲穀賤人疫值乙穀貴民病值丙四月旱值丁絲綿貴值戊米麥魚鹽貴值己米貴蠶傷多風
兩值庚田熟民病金鐵貴值辛禾平麥麻貴值壬絹布豆貴米麥平值癸主禾傷人民厄 見月令廣義

難拜年易種田 田家五行云元旦雨雪吉引諺云云
歲朝東北五禾大熟 羣芳譜東北風主大熟引諺云云

元旦清晨風自東南來歲大稔東風次之東北又次之西則歉西北有紅黃雲則稔白黑則歉 見蘇州府志

歲旦西北風大水妨農功 田家五行云壬癸亥子之方謂之水門其方風來主大水引諺云云

正旦決八風風從南來大旱西南小旱西方有兵西北豆成北方中歲東北上歲東方大水東南疾疫 見漢天文志

元日甲寅穀畜貴丙寅油鹽貴戊寅壬寅穀先貴後賤庚寅穀畜貴如上旬內先得丙寅雨少夏至雨

多戊寅秋雨多。壬寅冬雨多。

同上按開元占經云正月一日得寅穀貴盡十二日以占十二月。

元日甲申五穀有收丙申穀損蟲食菜戊申六畜災壬申滂同上。

元日乙卯荆楚米貴丁卯周秦米貴辛卯韓魏米貴癸卯宋魯米貴同上。

一日雞晴主人安國泰二日犬晴主大熟三日猪晴主君安四日羊晴主春暖臣順五日馬晴明四望無怨氣六日牛晴明日月光明大熟七日人晴明民安君臣和八日穀夜晴五穀熟所值之日晴暖則安泰蕃息此通行占書按開元占經引京房占亦略同又九日主蠶。

江南民言正旦晴萬物皆不成元豐四年正旦九江郡天無片雲風日明快是年果旱見玉芝堂談蒼引談苑按通行諺有云元旦黑農事吉談苑引便民書亦云元日晴和無日色主有年其說屢驗今人但知元旦要晴明實未確也。

一日值雨人食百草見農占。

一日晴一年豐一日雨一年歉同上今人謂元日宜晴亦有所本。

元旦有雷主禾麥皆吉見田家五行。

上旬得辛一日旱二日小收三四日主水麥半收五六日主小旱七分收七日八日主歲稔一云八日得辛主春旱不收又占書云一日得辛麥收十分二日禾蠶收三日四日田蠶全收五日六日麻粟麥蠶平收七日八日宜早禾麻麥粟少收絲貴見月令廣義兩說微有不同。

上旬三日得甲爲上歲。四日爲中歲。五日爲下歲。又資生書云。月內有甲寅主米賤。同上。

上旬一日得卯主十分收。二日低田半收。三日四日大水。五日六日半收。七日八日主春澇秋收。同上。

上旬一日得辰雨多。二日風多先旱。低田全收。七月雨多。麻豆全收。三日雨晴勻。四日七分收。五日六日豐稔。七日水損田。蕎麥收。八日先旱後澇。九日大麥收。主仲夏水災。十日旱禾半收。十一日主冬大雪。五穀不收。十二日主大雪。五穀收。同上。

上旬一日二日得酉歲豐。三日四日民安。五日至十日中午歲民不安。十一十二日大熟。一日乙酉荆楚吉。丁酉周秦吉。辛酉韓魏吉。癸酉齊魯吉。己酉燕趙吉。同上。

甲子豐年。丙子旱。戊子蝗蟲。庚子亂。惟有壬子水滔滔。只在正月上旬看。見周益公日記。按田家五行云。十日無子人死一半。

田本命。研北雜志云。世謂正月三日爲田本命。又爲田生日。浙西人謂之夏正三。言夏正之三日也。俗以是日稱水以重爲上有年。極驗。見無顏錄。

年八風。括到三月終。此揚州諺。謂正月初八也。

十二日爲花朝。晴則百果實。夜尤宜晴。雨則四十日夜雨久陰。見田家五行。按今人但知二月十二日爲花朝。而不知正月十二日亦爲花朝也。

上元日晴春雨少。諺云：上元無雨多春旱。清明無雨少黃梅。見臺笠須知。

立春日貯水謂之神水。釀酒不壞。見四時纂要。

立春日雨傷五禾。見師曠占。

上旬甲乙日雨主春雨多。丙丁戊己日雨主夏雨多。庚辛日雨主秋雨多。壬癸日雨主冬雨多。見月令廣義。

正月內有三子則葉少蠶多。無三子則葉多蠶少。有三卯則旱豆有收。無則少收。有三亥主大水。見談薈引周益公日記。

百年難遇歲朝春。見歲時通考。凡元日立春主民大安。引諺云：按黎牀藩餘崇禎元年元旦立春適值改元。天道更始。人事聿新。聖作物覩。其以不言示歟。又按三岡識略則言節氣相值之難非以爲瑞也。

正月有甲子。糴初貴後賤。見開元占經引神農占。

熟不熟但看年頭三箇六。此通行諺。謂正月初六十六二十六六三日。清明則主豐熟也。

正月逢三亥。湖田變成海。浩然齋視聽鈔引吳諺云：謂水之大也。按道光壬辰正月初六日己亥。

十八辛亥三十癸亥。是歲大澇。癸巳正月亦有三亥。然一亥在立春前是歲無水災。

正月日食人疫夏旱。月食粟貴盜多。見月令廣義。

上元一夕晴。麻小熟。兩夕晴。麻中熟。三日晴。麻大熟。見談苑。禪師惠南云。絕有驗。
 上元霧主水。見臺笠須知。

上元雨。灌百物減半。見樂清縣志。

風吹上元燈。雨打寒夕墳。見紀歷撮要。

正月十六日。東南風爲入門風。主大熟。見田家五行。

正月十六日。古謂之磨耗日。唐張說。耗日飲詩云。磨耗傳茲日。縱橫道未宜。但今不忌醉。翻是樂無爲。

見田家五行。謂此日以不事事爲宜。如今社日謂之耗日。官司不開倉庫也。

正月十六。謂之落燈。夜晴。主高低皆熟。西北風主旱。見陶朱公書。

秋收日。月令廣義云。正月二十爲秋收日。晴主秋成。百果蕃茂。按吳俗以正月二十日爲天穿日。

晴則雨少。如遇雨則雨水必多。又按田家五行。以十七爲秋收日。亦晴主秋成也。

正月見三白。田公笑嚇嚇。見朝野僉載。

晦日風雨。糴貴禾惡。見田家五行。

二月占

二月朔。值驚蟄。主蝗蟲。值春分。主歲歉。風雨主米貴。見陶朱公書。

二月內有三卯。則宜豆。無則早種禾。見經世民事錄。

二月甲戌日風從南來者。稻熟。乙卯日不雨者。稻不熟。見師曠占。

春分無雨病人稀。陶朱公書云。春分雨人災。引諺云云。

禮記月令。擇元日命民社。注。春事興。故祀社稷。以祈農祥。元日謂近春分前後戊日。元吉也。按。潛確

類書。立春後第五戊日爲春社。立秋後第五戊日爲秋社。又按。周禮。社之日。涖卜來歲之稼。

春社無雨莫種田。歲時通考云。春社日雨。年豐果少。按。談苑云。社公社母不食舊水。故社日必有

雨。謂之社公雨。田家五行亦引諺云。社公不喫乾糧。社日雨。則穀重而果稀。故曰社雨報年豐。陸

龜蒙詩。幾點社公雨。一番花信風。

初二天晴東作興。初七八日看年成。花朝此夜晴明好。何慮連綿夜雨傾。見陶朱公書。

二月八日東南風主水。西北風主旱。見月令廣義。按。陶朱公書。東南風謂之上山旗。西北風謂之

下山旗。

二月八日張大帝生日。前後必有風雨。甚準。俗謂請客風送客雨。正日謂之洗街雨。初十日謂之洗廚

雨。見田家五行。

二月十九日爲觀音大士生日。晴明爲吉。雨則穀菜百物少收。同上。

二月十五日爲勸農日。晴明主豐。風雨主歉。見談苑。

有利無利。但看二月十二。此吳諺。見明詩綜。謂花朝日晴。則百果少實也。

驚蟄聞雷米似泥。同上引雜占。

春分日風自東來。麥賤年豐。南來五月先水後旱。西來麥貴。北來價倍。見月令廣義。
社了分米穀如錦墩。分了社米穀如苦餅。社了分米穀不出村。分了社米穀徧天下。同上。又田家五行云。社在春分前主歲豐。社在春分後主歲惡。引諺云云。

花朝。同上云云。二月十五爲花朝。晴則百果實。夜不宜晴。宜陰雨。

二月朔日雨。稻惡糴貴。晦日雨。人多疾。見四時占候。

茶是草。箬是寶。農桑衣食撮要卷上。二月摘茶略蒸色小變。攤開搗氣通。用手揉。以竹箬燒烟火氣焙乾。以箬葉收。故諺云云。

二月初二爲上工日。雨主妨農。見陶朱公書。

三月占

三月朔值清明。主草木茂。值穀雨。主年豐。風雨主民病。木多蟲。雷主五穀熟。雨猛主旱。見月令廣義。
三月朔日雷。主旱。無雷多盜。見田家五行。

三月初三雨。落至繭頭白。此杭州通諺。又云。三月初六爲露白日。是日雨則道路一白。卽雨。一說。

三月三日清明之節。將修事於水側。禱祀以祈豐年。見卷施閣文集。
上已有風梨有蠶。本草綱目云。梨花如雪。六出。上已無風則結實必佳。故古語云云。

四日雷。歲熟。五日陰。蠶吉。七日十六日南風。主旱。歉。同上。

五日寒食便下田。吳下田家志方言。

雨打墓頭錢。今歲好豐年。一作雨打紙錢頭。麻麥不見收。雨打墓頭錢。今年好種田。月令廣義云。

寒食日雨。主歲豐。引諺云云。

清明插柳青。農夫休望晴。門前插柳焦。農夫好作嬌。農政全書。引諺云云。

清明嫁九娘。一去不還鄉。見田汝成游覽志餘。

一點雨。一箇魚。農政全書云。穀雨日雨。主多魚。引諺云云。清明要晴。穀雨要雨。

河朔人謂清明雨爲潑火雨。見退齋雅聞。

穀雨日辰值甲辰。蠶麥相登大喜。穀雨日辰值甲午。每箔絲棉得三觔。田家五行引諺云云。

三月無三卯。田家米不飽。同上亦見周益公日記。按開元占經亦云。三月有三卯。大豆好。無三卯。早。

三月十一日爲麥生日。喜晴。見嘉定縣志。

三月十六日爲黃姑浸種日。其日西南風主大旱。或云上鄉人見此風。卽懸百文錢於簷下。風力能動。則舉家失聲相弔。言風愈急愈旱也。見月令廣義。

二十七二十八吹得廟門開。螺螄蟹蛄哭哀哀。見崑新合志。言三月二十七二十八兩日南風。主旱。